



Universitätsbibliothek Paderborn

**Spes & Fiducia, Cvris Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 14. Vtillißima pecuniæ, per piam vsuram, augendæ ars, dare
pauperibus.

[urn:nbn:de:hbz:466:1-49823](#)

Dominum omnes Sancti eius : quoniam non est
inopia timentibus eum. Divites eguerunt & e-
surierunt : inquirentes autem Dominū non mi-
nuentur omni bono. Huc ergo, qui non habetis
argentum, properate , emite , & comedite : ve-
nire emite absq; argento.

Psal. 33.

10.

Isa. 55. 10

§. XIV.

Vtilissima pecunia , per piam usuram , augende
ars , dare pauperibus.

Absque argento emit , qui spe & fiducia in
Deum emit : absq; argento emit , qui non con-
fudit in multitudine diuitiarum : absq; argento
emit ; qui argentum dispergit & dat pauperi-
bus ; nam centuplum accipit , etiam in hac
vita. Luculentā rem recenset Ioannes Mos-
cus cognomento Euiratus , his verbis : Cum
in Samo insula essemus , narrabat nobis venera-
bilis pauperum cultrix Maria mater domini
Pauli candidati , dicens : cum essem in ciuitate
Nisibæ : erat ibi Christiana mulier virum ha-
bens gentilem. Erant autem pauperes , habe-
bant tamen quinquaginta numismata. Die vero
quodam ait vir uxori sua : Demus hæc numis-
mata fæneratori , ut aliquod solatium ex eis ca-
piamus. Ea enim sigillatim consumimus , &
deficiunt. Respondens autem illa bona uxor ait
viro : si placet ea fænerari , veni ; demus illa sub

Io. Mo-
scus Eui-
ratus in
prato spi-
rit. cap.
185.

H fæne-

fænore Deo Christianorum. Dicit ei vir eius.
Et ubi est Deus Christianorum, ut demus ei?
ait illa: ego tibi ipsum ostendam. Si enim huic
dederis ea, non solum non illa perdes, sed &
usuras tibi persoluet & capitale duplum reddet:
Qui ait: Eamus, ostende mihi illum, & demus
ei. Illa verò assumens virum suum, duxit in
sanctam Ecclesiam. Habet autem Ecclesia illa
quinq³ magnas ianuas. Cùm ergo induxit illum
in Ecclesiæ porticum, ostendit ei pauperes
dicens: istis si præbueris, Deus Christianorum
ipsa accipit. Isti enim omnes sui sunt. Qui mox
cum gudio numismata cœpit erogare pauperi-
bus. Reuersiq³ sunt in domum suam. Cùm ve-
rò post menses tres necessitate sumptuum angu-
starentur, ait vir uxori suæ: Soror, nihil, ut
video, nobis daturus est Deus Christianorum,
ex debito illo; & nunc angustamur inopiâ. Re-
spondit mulier & ait illi: Profectò dabit. Vade,
ubi illa dedisti, & exhibebit ea tibi cum omni
alacritate.

Quo audito, ille currens abiit in sanctam
Ecclesiam. Veniensq³, in loco, ubi erogauerat
numismata pauperibus, & circuiens totam Ec-
clesiam neminem vidi, qui sibi debitum redde-
ret, nisi solos pauperes denuò sedentes. Cùm er-
go cogitaret à se ipso, cui diceret aliquid, aut à

quod exigeret, aspergit, ante pedes suos, in marmore iacere numisma unum de illis, quae pauperibus ipse erogarat, inclinansque se & accipiens illud abiit in domum suam, & ait coniugi sua: Ecce profectus sum in Ecclesiam, & crede mihi, mulier, quia Deum Christianorum non vidi, ut dixisti, nullusque mihi aliquid dedit, nisi quod hoc numisma ibi positum vidi, ubi ego prius erogaueram. Tunc ait ad eum mulier illa mirabilis: Ipse est, qui tibi hoc inuisibiliter praestit. Ille enim, inuisibili potestate sua, disponit hunc Mundum. Sed vade, Domine me, eme nobis aliquid, ut comedamus hodie, rursusque ipse prouidebit nobis. Abiit ille & emit sibi panem & vinum & pescem, & veniens dominum dedit uxori. Quae accipiens pescem capit ipsum purgare, exenteransque illum, inuenit in visceribus eius lapidem valde mirabilem, ita ut miraretur mulier illius pulchritudinem. Non tamen sciebat, quid esset. Sernatum autem ostendit reuertenti viro, dicens: Ecce hunc lapidem in pisco reperi. Videns autem & ipse miratus est quidem ipsius pulchritudinem, ignorabat tamen quid esset. Cum autem comedisset, ait uxori: Da mihi lapidem, ut vadam & vendam illum, si quid fortassis pretij de illo accipere contingat. Neque enim, ut dixi, noue-

rat & ipse quid esset, utpote simplex & rudis.
Tulit itaque lapidem & abiit ad Trapezitam,
cuius erat proprium talia emere & vendere,
inuenitq; illum, jam clausis omnibus, egredien-
tem (ad vesperum enim iam dies erat) & ait
illi: Vis emere hunc lapidem? ille verò consi-
derans lapidem, dixit ei: Quid vis, ut tibi pro
eo soluam? ait autem ille: da quidquid vis. Ad
quem ipse: Accipe, inquit, quinq; numisma-
ta. Putans autem venditor, quia illudceret si-
bi, dicit ei: Et quantum vis pro illo persolu-
re? Existimans Trapezita, quòd ita ille, per
ironiam, loqueretur, ait ipsi: Accipe decem,
pro eo, numismata. Venditor iterum se irride-
ri arbitrans, tacuit. Dicit illi Trapezita: Vi-
ginti numismata accipe. Ille autem tacebat ni-
hil respondens. Cùm vero ad triginta, quadra-
ginta, quinquaginta numismata emptor ascen-
deret, & se daturum ea juramento affirma-
ret, cœpit ille amplius lapidem estimare. Paula-
tim vero emptor ascendens usq; ad trecenta nu-
mismata peruenit, deditq; illa vendenti. Ipse
igitur, dato lapide, acceptaq; pecunia, venit ad
uxorem suam gaudens. Quæ cum videret il-
lum exultantem, dixit: Quanto illum ven-
didisti? Putabat autem quòd illum quinq; aut
decem minutis vendidisset. Tunc ille trecenta
numis-

numismata proferens dedit illa uxori sue dicens, tanto se illum vendidisse. Illa vero summa diuinæ bonitatis clementiam admirans dixit ei: Ecce DEVS Christianorum qualis est, quam bonus, quam gratus, quam dines! Vides quia non solùm quinquaginta numismata tibi reddidit, qua tu illi mutuasti, sed paucis diebus tibi sexduplicata restituit? Agnosce gitur, quia non est DEVS alius, neque in terra, neque in cœlo, nisi ipse solus. Ille vero miraculo admonitus, cum experimento didicisset & ipse veritatem, effectus repente Christianus, glorificauit Deum & Saluatorem nostrum Christum cum Patre & Spiritu sancto, plurimas referens gratias prudentissima uxori sua, per quam vera Dei notitia ipsi in veritate concessa est.

§. XV.

Vxores quantum viris possint prodeesse?

Verè bona vxor magnum est bonum mariti. Hæc docuit virum suum sanctam usuram; neque solùm dititem fecit, sed etiam Christianum. Utinam haberet multas imitatrices! Aliæ vxores, vt earum superbiæ satisfiat, coniuges suos, ad fraudes, ad rapinas, ad mille dolos adigunt; furtæ eorum occultant, distrahunt, dissipant; neq; conantur bonis artibus ditescere. Enim uero

H 3 blan.